



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetii, 1647

De Missis votiuis Sanctae Mariae, & alijs. 4.

urn:nbn:de:hbz:466:1-9500

Sabbati, in quo ieiunandum esset, testatur *Moyses Aegyptius de temp. capit. de Sabb. cap. de ieiunio*, neque Domini-

co die ieiunare debemus *distrin. 76. cap. vitinam*, & passim dicitur à Sanctis Patribus.

4 m. *Missa Vigilia in Aduentu occurrentis*, dicitur cum commem. *Feria Aduentus*; licet de ea non sit factum *Officium Vigiliae Nativitatis excepta*.

m *Missa Vigilia*. Dicitur eadem ratione, quam supra diximus de Vigili infra Octauam, quia propriae Missæ cedere debet minus propria diei.

Occurrat licet Festum nouem lectiōnum in Vigilia intra Aduentum, & qualiter situm est, quo ordine in Missa de Feste dicantur orationes de Aduentu, & Vigilia, & an Euangeliū in Vigiliæ legatur in fine? Respondi: orationem de Aduentu dici ante orationem Vigiliæ; quia, licet de

Missā Vigiliæ alius sit ordo; in Missa tamen alia dignior est oratio, quæ dicitur in Officio, similē fere casum habes in festo S. Leonis 28. Junij, in cuius Missa oratio de Vigilia posterior est, licet in Sabbato Missa Vigiliæ præferatur Missa de oct. S. Ioannis. Euangelium vero non legitur in fine; quia nec in officio legitur, neq; in Missa quatuor Temporum legitur de Vigilia quæ occurrit in ea.

5 *Si in Quadragesima, & Quatuor temporibus occurrat Vigilia, dicatur Missa de Feria cum commemoratione Vigiliae*.

Missā in his casibus concordat integrè cum Officio, & cessat ratio, quam supra diximus; propriam Missam cedere debere Missæ non ita propriæ; neque po-

pulus eget monitione ad ieiunium, quod significatur per Missam propriam Quadragesimæ, seu Quatuor Temporum.

6 *Tempore Paschali non dicitur Missa de Vigilia, nisi in Vigilia Ascensionis, quem non ieiunatur, sicut nec in Vigilia Epiphanie*.

Cur non ieiunatur in his Vigilijs? dicimus non ieiunari, quia lex nulla est de his ob lætitiam Natalis Domini, & Resurrectionis eiusdem.

De Missis n Votiuis S. Mariæ, & alijs. IV.

7 *Votiuis*. Large hic sumitur votum pro voluntate, & desiderio. Missa igitur, quæ pro voluntate dicuntur, Votiuæ nuncupantur, non tamen debet esse voluntas irrationalis, puta, ut Sacerdos

breuiorem celebret Missam &c. Votiurum autem Missarum est mentio *in vita Sancti Germani Antisiodor. c. 16. apud Sur. Tom. 4.*

1 *In Sabbatis non impeditis festo Duplici, Semiduplici, Octaua, Vigilia Feria Quadragesima, vel Quatuor temporum, vel Officio alicuius Dominicæ, quæ superfluit, in precedens Sabbatum translato*, dicitur *Missa de S. Maria secundum varietatem temporum, et in fine Missalis ponitur*.

2 *In Aduentu autem licet Officium non fiat de S. Maria in Sabbato, dicitur tamen Missa principalis de ea, cum commem. de Aduentu, nisi fuerint Quatuor tempora, vel Vigilia, ut supra*.

Sabba.

Sabbatum dicatum esse constat Beatæ Virgini Deipare. Missæ vero Sanctæ Mariæ in Sabbato dicendæ auctor fuit Albinus Caroli Magni Præceptor, qui rogatus Bonifacij Archiepiscopi Maguntini eam instituit vna cum alijs, de Trinitate, de Angelis, de Spiritu Sancto, & de Cruce, quæ adhuc sunt in usu. Meminit huius ritus *Micrologus* cap. 60. *Urbanus II. in Concil. Claramontan.* 1096. Officium in Sabbato B. Virginis destinavit *Radulph. prop. 20.* & à Monachis Ecclesiæ Occidentalnis inducendum esse hunc ritum *An. 1056.* scribit *Baronius.* Durand. autem in *Ration. lib 4 cap. 1.* quinque assert causas. Prima est, & secundum eundem originaria, quod olim Constantinopoli, cum ante quandam *Imaginem* B. Virginis pederet velum, quod eam velabat, in sexta Feria post Vesperas recedebat velum, nullo mouente, & cælum versus deferebatur, ita, ut à populo imago tota conspici posset: celebratis autem in sabbato Vesperis, descendebat ipsum velum, & velabat imaginem, ut prius, usque ad sequentem Feriam sextam, quo miraculo sanctum est, ut eo die semper de B. Virgine, catareretur. Altera est, quia in Sabbato post mortem Christi tota fides in sola Virgine manasit; quæ tamē ratio à modernis Theologis, & merito, reprobatur. Tertia, quia dies Sabbati est qualis ianua ad Dominicum diem, quo significatur aeterna vita; Maria vero est ianua Cæli, & Porta lucis fulgida. Quarta est, ut coniungatur festivitas Matris cum solemnitate Dominicana, quæ est Filij. Quinta, ut sit festivus dies ille, quo Deus ab omni opere quietuit: requieuit autem in Maria, ut in Tabernaculo suo.

Et licet in Aduentu Rubrica prescribat Missam conuentualem de B. V. non excludit tamē priuatas Missas, immo à for-

tiori in ferialibus eas concedit, cum ex quotidie dici queant, quando nō est Dominica, neque duplex: & eo casu scilicet in Sabbato etiam in priuatis Missis dicitur Hymnus Angelicus, ex tit. 8. num. 4. Ex prædictis orta est quæstio: An Missa de B. V. in Sabbato ratione officij de eadem, dicenda sit Votiva? Affirmat *Castaldus in Praxilibr. 2. sect. 6. c. 4 num. 2. cum Ruylibi citato:* quia, inquit, officium B. V. in Sabbato est ex voto ecclesiæ. Potior est ratio, si diceret, de ea tradi sub titulo, De Missis Votiuis, de quo nunc agimus. Negant alij, quia, de ratione Votiva Missa est, quod non corresponeat officio, ut dicitur *infratit. 15. nu. 5.* at hæc correspontet officio; ergo non est votiva. Sed quæstio est de nomine, nam Votuum quidem dicitur, quod à voto habet originem; sed minus propria dicitur Votuum quod in Sabbato ex antiquo voto Ecclesiæ dicitur. Hodie namq; est in præcepto officium cum Missa de B. V. in Sabbatis non impeditis, ut supra, & probamus *Tomo 2. sect. 8. c. 9. num. 1.* Proprie igitur illud est Votuum, quod est merè voluntarium, & ad libitum fit, sine peccato: neque propriè Missa de B. V. in Sabbato, ratione officij, quod est in præcepto, potest dici Votiva. Titulus autem de Missis Votiuis comprehendit omnes, etiam minus propriè votinas; unde supra num. 2. facit Ecclesia de præcepto Votuum Missam de eadem B. V. in Sabbatis Aduentus, ubi cantatur conuentualis Missa, que, cū non respondeat officio de Aduento, Votiva est; non tamen ad libitum omitti queat, ob illud verbum: dicitur: quod est præceptuum, & confirmatur, quia Missa de B. V. in Sabbato, ratione officij simplicis, debet cantari post Sextam, ut infra tit. 15 nu. 2. Votiuæ autem post Nonam, ibid nu. 5. non est ergo Votiva.

3. Alijs diebus infra Hebdomadam, quando Officium sit de Feria, & non est resumenda Missa Dominicæ præcedentis, que fuerit impedita, (exceptis Ferijs Aduentus, Quadragesima, Quatuor temporum, Rogationum, & Vigiliarum) dici potest aliqua ex Missis votiuis, etiam in principali Missa, que vocatur Conuentualis, secundum ordinem dierum in fine Missalis assignatum, cum commemoratione Feria, de qua factum est Officium. Que tamen Missæ, & omnes
A 4 aliae

aliae Votiuæ in Missis priuatis dici possunt pro arbitrio Sacerdotum, quocumque die Officium non est duplex, cum commemoratione eius de quo factum est Officium. commemorat item festi Simplicis si de aliquo occurrat eo die fieri commemorationem in Officio. Id vero pessimum non fiat, nisi rationabili de causa. Et quoad fieri potest, Missa per cum Officio conueniat.

Ab Albino institutore Votiuarū Missarum alius decretus fuerat Ordo, nam in Dominica dicebatur Missa de Trinitate, Feria secunda de Sapientia, Feria tertia de Spiritu sancto, Feria quarta de Charitate, Feria quinta de Angelis, Feria sexta de Cruce, Sabbato de S. Maria; *Microl. sup.* nunc autem Feria sexta, & Sabbato immutatis, & remanentibus, ut prius in Feriam secundam translata est Missa de Trinitate, quæ est propriæ Dominice; Missæ de Angelis, & de Spiritu Sancto. Ferias inter se commutauere: Feria scilicet tertia data Angelis, quia natura proximiores Trinitati; Feria quinta Spiritui Sancto, & Sanctissimæ Eucharistie; illi quidem fortasse, quia die quinta creationis, aquæ, super quas Spiritus Dei ferebatur, omne reptile, & omne volatile produxerunt; huic autem, quia eo die instituta fuit a Christo Domino. Missa de Sapientia non est amplius in vsu; & Missæ de Charitate suscepta est Missa Apostolorum Petri & Pauli flagrantium præalijs amore, & charitate, vel quia ea Feria Romani sunt ingressi, ut ab eruditissimo viro se didicisse scribit Vicecomes lib. 3. de rit. Missæ cap. 18. Denique Missa de Cruce, cui additæ est alia de Passione, assignata fuit Feria sextæ, in qua Christus Crucifixus fuit, eius ritus auctores facit Monachos occidentales An. 1056. Card. Baronius. Sed Alcuinum censeo potius assignasse certis diebus Missas votiuas; quia Pelag. II. meminit Præfationis de Trinit. & S. Gregor, habet Introitum Missæ de eadem in suo Antiphonario.

O Non est duplex. Vtrum in Dominicis dici poterunt votiuæ nequaquam: quia supra dicitur: *alijs diebus infra Hebdomadam*, hoc est, a Dominica ad Dominicam, & expressius dicitur hoc idem circa finem Missalis, in Rubrica posita inter Missas votiuas post Missas de B. V. in hac

verba: *Aliæ Missæ Votiuæ pro diversis rebus, que dici possunt quocumque die nisi fuerit Dominica, vel officium Duplex:* eadem enim est omnium Votiuarum ratio, vnde & præcedentes Votiuæ Missæ feriis particularibus (nulla Dominicæ) fuerunt assignatae in Rubrica ante easdem, & de Dominica quidem, quia Festiuæ est, congrua est Rubrica; de Duplice vero tum quia Duplex solemnitatè quando non est duplex: & hoc recte quidem, tum quia Duplex solemnitatem habet, tum quia in Festis inferioris gradus pluralitas Orationum, & in preparatione, gratiarumque actione post Missam non duplicatae Antiphonæ minus incognitæ Missæ Votiuæ, quam in Festis duplicitibus, in quibus vna tantum Oratio dicitur, & predictæ Antiphonæ duplicantur. ex quo consequenter dicendum est, prohibetur Votiuas in ijs etiam diebus, in quibus prohibetur fieri de festo duplice; argumento à fortiori sumpto; nempe infra Octauam Epiphaniæ, Paschatis, Pentecostes, in fer. 4. Cin. in Hebdomada maiori, in Vigilijs Nativit. Domini, & Pentecostes; & ita decreuit Sacra Rituuum Cong. die 28. Aug. 1627. Tamen pro re graui, de qua infra, poterunt cantari Missæ Votiuæ etiam in Festis non maioribus, cantata item altera de die.

Neque putes huic Rubricæ derogari in Pontificali Romano, in ordinatione presbyterorum, quibus in fine præscribitur, vt post primam Missam celebrent alias de Spiritu Sancto, de Beata Virgine & pro Defunctis: id enim intelligitur, saluis Rubricis Missalis, alioquin absolum esset, celebrata prima Missa in Nativitate Domini, in tribus Festis sequentibus recitare Missas votiuas prædictas, & pro Defunctis, vt patet.

Dubitatum est: An exceptio Missarum votiuarum in Dominicis intelligatur etiæ quando

quando in die feriali sit officium de Dominica anticipata post Epiphaniam, seu Pentecosten, seu oct. Natiu. Domini: sed vere verba Rubrica sonant ipsum diem Dominicum, qui colitur a populo, cuinon conuenit Missa votua priuata.

p. Cum Officio conueniat. Rubrica loquitur de priuatis Missis. nam Conuentualis Missa debet semper concordare cum officio capit. cum creatura. de celebrat. Miss. vbi verbum mandamus obligat ad mortale, ex Bonacis. de leg. disp. 1. q. 1. p. 1. 7. § 4. n. 7. cum communi; Et in c. quidam. Et in cap. Et hoc de consecr. dist. 1. lege AZor lib. 10. cap. 32. quest. 1. & nota, quod neque omitti potest pro Missa Defunctorum in d. cap. cum creatura.

* Ex quibus Sacra Rituum Congregatio die 35. Iunij 1611. & die 28. Ianuary 1612. Decreuit, teneri Canonicos omnino ad cantandam Missam de die, ut lucentur distributiones. & die 16. Ianuary 1627. duo respondit: alterum, quod ob Missam votuam, seu pro Defunctis, non potest omitti Missa conuentualis; quod

intellige, salua eadem hac Rubrica de Votiuis assignatis singulis diebus in fine Missalis, cum officio de Feria, & pro Defunctis tit. seq. numer. 1. & 2. alterum est, quod neque potest introduci consuetudo in contrarium ritum. & quoad illud primum perstigit in eadem sententia die 12. Iulij 1628.

Conuentualis igitur Missa erit semper de die, vel in Feriale officio erit Votua, ut supra, secundum ordinem dierum assignatum in fine Missalis; non autem votua ad libitum cleri, seu laicorum: priuata vero Missa poterunt dici Votua quecumque in diebus non duplicibus, neque Dominicis, non seruato dicto ordine dierum, arbitrio rationabili celebrantis. non tamen conuenit, puta infra octauam Beatae Virg. dicere Votuam de eadem; tum quia magis colitur B. Virgo cuin Missa de octaua, tum quia secunda oratio efficit de eadem B. V. cuius recitat officium; tum quia fit satis obligationi pro Missa Votua, si recitetur longior Missa festiva.

De Missis Defunctorum. V.

1 q Prima die cuiusque mensis (extra Aduentum, Quadragesimam, & tempus Paschale) non impedita Officio Duplici, vel Semiduplici, dicitur Missa principalis generaliter pro Defunctis sacerdotibus, & benefactoribus, & alijs. Si vero in ea fuerit festum Simplex, vel Feria, qua propria habeat Missam, aut resumenda sit Missa Dominicæ præcedentis, qua fuit impedita, & infra Hebdomadam non occurrat alius dies, in quo resumi possit: in Ecclesijs Cathedralibus, & Collegiatis dicantur due Missæ, una pro Defunctis, alia de festo Simplici, vel Feria prædicta. Sed in Ecclesijs non Cathedralibus, nec Collegiatis, dicitur Missa de die cum commemoratur generaliter pro Defunctis.

q Prima die. Suffragiorum pro defunctis in Calendis mentio est apud Alcuinum de diuin. Offic. qui excludit tempus Paschale cap. de exequijs mortuorum.

r Dicantur due Missæ. Cur duæ Missæ in occurso cum festo Simplici, vel Feria prædicta? quia in Missa de Defunctis non potest fieri commemoratione de Festo, ne-

que de Feria, neque omitti deber semel in mense quod eius fieri potest, Missa principalis pro Defunctis in Collegiatis; neque item omitti Feria prædicta, vel Festum simplex. Hoc, negligitur hæc Rubrica; quæ tamen habet verbum; Dicantur: quod est præceptuum.

2 Præterea s. Feria secunda cuiuscunque Hebdomada, in qua Officium sit de Feria, Missa principalis dici potest pro Defunctis. Si autem fuerit propria Missa